

# Úthlutunarreglur við úthlutun styrkveitinga til nýsköpunar- og samfélagsmiðstöðva

Verkefnið felst í að stuðla að því að í sem flestum byggðakjörnum á Vestfjörðum verði vettvangur þjónustu, sköpunar og frumkvöðlastarfs. Staður sem er opinn íbúum jafnt sem gestum, þar sem starfsemin er miðuð að þeim tiltekna byggðakjarna og á að vera svar við þeim þörfum sem þar eru til staðar.

## 1. Tilgangur

Tilgangur er að styrkja starfsemi starfandi nýsköpunar- og samfélagsmiðstöðvar á Vestfjörðum.

## 2. Mat á umsóknum

Umsóknir eru metnar út frá gæðum og áherslum sem fram koma í lið 15.

## 3. Úthlutun

Starfsmenn Vestfjarðarstofu í umboði stjórnar fara yfir umsóknir og velja þau verkefni sem styrkt verða á grundvelli faglegs mats. Við úthlutun skal gæta að hæfisreglum við ákvarðanatöku.

## 4. Umsækjendur

Umsækjendur skulu vera rekstraraðilar starfandi nýsköpunar- og samfélagsmiðstöðva á Vestfjörðum. Umsækjendur skulu hafa íslenska kennitölu.

## 5. Framkvæmd

Vestfjarðastofa sér um að auglýsa eftir umsóknum og verkefnastjóri tekur við umsóknum. Vestfjarðarstofa fer yfir umsóknir og ákveður úthlutun í umboði stjórnar Vestfjarðarstofu. Að úthlutun lokinni sér verkefnastjóri um samskipti við styrkþega, frágang samninga og sér um útborgun styrkja í samræmi við samninga við styrkþega.

## 6. Auglýsing

Auglýst verður á heimasíðu og feisbókarsíðu Vestfjarðarstofu eftir umsóknum. Um er að ræða eina einstaka úthlutun til að byrja með.

## 7. Umsóknir

Umsóknum skal skila á rafrænu formi á heimasíðu verkefnisins hjá Vestfjarðarstofu. Í umsókninni skal vera greinargóð lýsing á starfsemi miðstöðvarinnar, verkefnastöðu, framtíðaráform og fjárhagsáætlun. Fjöldi stöðugilda og lausleg kynning á starfsmönnum miðstöðvarinnar, menntun þeirra og reynslu.

## 8. Áherslur

Áhersla verður lögð á að umsóknir falli að markmiðum verkefnisins sjá nánar lið 15.

## 9. Styrkir

Eftirfarandi reglur gilda um styrk:

- Vestfjarðarstofa hefur umsjón með styrkveitingum verkefnisins.
- Umsóknum um styrki þarf að skila á rafrænu formi og eru þær metnar með faglegum hætti út frá trúverðugleika og gæðum umsókna, afrakstri þeirra og þeim áhrifum sem þau hafa á atvinnuþróun, nýsköpun og mannauð á Vestfjörðum.
- Styrkir þurfa að falla að markmiðum verkefnisins sjá lið 15.
- Hámarksstyrkur til styrkþega 3 milljónir króna við hverja úthlutun.
- Birtur verður opinberlega listi yfir styrkþega og styrkupp hæð, heiti verkefnis og stutt lýsing á því.

## 10. Samningur

Vestfjarðarstofa og styrkþegi gera með sér skriflegan samning sem m.a. kveður á um fyrirkomulag greiðslna, réttindi og skyldur aðila, tímaramma, skil á skýrslum og eftirfylgni. Að öðru leyti ber styrkþega að veita Vestfjarðarstofu upplýsingar um framkvæmd verkefnisins og aðgang að bókhaldsgögnum þegar og ef eftir því er leitað.

## 11. Greiðslur styrkja

Um greiðslu styrkja gildir eftirfarandi:

- Greiða má styrkinn í tvennu lagi. Fyrri hlutinn, allt að 50%, er greiddur við upphaf verkefnis, þegar styrkhafi hefur staðfestskriflega að vinnan sé hafin. Lokagreiðsla fer fram þegar verkefni er lokið og lokaskýrslu skilað.
- Ef ekkert verður af verkefni sem fær styrkvilyrði eða verði verulegar breytingar á því þarf að sækja um frest skriflega til Vestfjarðarstofu, ella er styrkurinn afturkræfur að hluta eða öllu leyti.

## 12. Styrkhæf verkefni

Styrkhæf verkefni teljast þau verkefni sem falla að markmiðum verkefnisins sjá lið 15, að Nýsköpunar- og/eða samfélagsmiðstöðin sé starfandi og hafi verið starfandi síðast liðið ár.

## 13. Óstyrkhæf verkefni

Ekki er hægt að sækja um styrk til stofnunar nýsköpunar- og/eða samfélagsmiðstöðvar.

## 14. Tilgangur verkefnisins

Verkefnið felst í að stuðla að því að í sem flestum byggðakjörnum á Vestfjörðum verði vettvangur þjónustu, sköpunar og frumkvöðlastarfs. Staður sem er opin íbúum jafnt sem gestum, þar sem starfsemin er miðuð að þeim tiltekna byggðakjarna og á að vera svar við þeim þörfum sem þar eru til staðar

Allar tegundir miðstöðva hafa að meginmarkmiði að efla stafræna getu í sínum samfélögum og stuðla að verkefnum tengdum umhverfis- og loftslagsmálum. Þannig er öllum miðstöðvum ætlað að gegna lykilhlutverki í að ýta samfélögum sínum til framtíðar og stuðla að nýsköpun og þróun á sínum stöðum.

Miðstöðvarnar eiga að hafa að markmiði að laða til sín frumkvöðla, skapandi einstaklinga og fólk sem starfar í tækni og nýsköpun. Þær eiga að virka sem gluggi út í heiminn fyrir ungt fólk á staðnum, vera staðir þar sem framtíðin er núna. Í þessu verkefni er einnig horft til þess að skapa aðstöðu fyrir nýja frumkvöðla til að sækja kraft og stuðning. Áhersla verður á þekkingarmiðlun til frumkvöðla í öllum setrum og miðstöðvum, hvatningu, aðgengi að rannsóknar- og þróunarrýmum og tengsl við fyrirtæki og aðra frumkvöðla innan og utan svæðis.

Þróunar-, nýsköpunar- og samfélagsmiðstöðvar sem byggja á og draga fram sérstöðu hvers byggðakjarna og verða vettvangur nýsköpunar og frumkvöðlastarfs. Slík aðstaða og stuðningur er lykilþáttur í að laða unga og öfluga frumkvöðla til Vestfjarða og skapa umhverfi deiglu og sköpunar.

- Að tryggja aðgengi að nauðsynlegri þjónustu í byggðakjörnum á Vestfjörðum með því að stuðla að uppbyggingu nýsköpunar- og samfélagsmiðstöðva þar sem hægt er að veita fjölbreytta þjónustu með litlum tilkostnaði
- Að nýta nýsköpunar- og samfélagsmiðstöðvarnar til að styðja við þróun stafræns nýsköpunarsamfélags á Vestfjörðum og móta með hvaða hætti nýta má nútíma tækni til að efla þjónustu
- Að í flestum byggðakjörnum verði til staðar starfsaðstaða fyrir frumkvöðla og starfsmenn fyrirtækja eða stofnana sem kjósa að vinna störf sín utan starfsstöðva auk aðstöðu til náms og rannsókna til skemmri eða lengri tíma
- Að í hverri þróunar-, nýsköpunar- og samfélagsmiðstöð sé leiðtogi sem í samstarfi við eigendur og notendur móti starfið byggt á sérstöðu hverrar miðstöðvar.

## 15. Markmið verkefnisins

- Að byggja upp 3 - 5 öflugar og skapandi nýsköpunar- og samfélagsmiðstöðvar í smærri byggðakjörnum á Vestfjörðum í samstarfi við sveitarfélög og einkaaðila.
- Að efla starfsemi starfandi þróunarsetra og nýsköpunar- og samfélagsmiðstöðva á Ísafirði, Hólmavík, Patreksfirði, Þingeyri og Bolungarvík.
- Að efla innbyrðis samstarf þróunarsetra og nýsköpunar- og samfélagsmiðstöðva með sameiginlegum viðburðum eða verkefnum.
- Að á vegum slíkra miðstöðva eða sameiginlega verði komið á (erlendum) samstarfsverkefnum sem ýta undir miðlun nýrrar þekkingar á svæðinu.
- Öflugt skapandi starf sem hefur jákvæð áhrif á samfélagið og burði til að laða ungt fólk að svæðinu.
- Samstarf sveitarfélaga, opinberra stofnana og fyrirtækja um mótun sérstöðu og þá þjónustu sem veitt er á hverjum stað.
- Áhersla verði lögð á sköpun, stafræna tækni, umhverfis- og loftslagsmál.
- Að byggja upp öflugt vestfirskt nýsköpunarumhverfi sem laðar til sín nýja frumkvöðla.

## 16. Árangursmat

- Fjöldi starfandi þróunar, nýsköpunar- og samfélagsmiðstöðva á svæðinu

- Fjöldi notenda miðstöðvanna í skemmri eða lengri tíma
- Viðburðir, ráðstefnur, námskeið í setrunum
- Fjöldi notenda og gesta á viðburðum
- Samstarfsverkefni milli setra
- Þátttaka og viðhorf heimamanna á hverjum stað til starfseminnar
- Umfjöllun um þróunar-, nýsköpunar- og samfélagsmiðstöðvar í fjölmiðlum, hefðbundnum og vefmiðlum
- Nýir frumkvöðlar á svæðinu
- Umsóknir frá Vestfjörðum og fengnir styrkir t.d. úr sjóðum Rannís, AVS o.fl.

## 17. Hugtakaskilgreining

- **Samfélagsmiðstöð:** Fjölbreytt starfsemi og þjónusta sem safnað er saman á einn stað. Getur verið hluti af starfsemi sveitarfélags. Eitt stöðugildi sem getur verið skipt í tvö hlutastörf mótar starfsemina í samráði við íbúa og sveitarfélag.
- **Frumkvöðlasetur með samfélagsáherslu:** Getur verið aðeins stærra en samfélagsmiðstöðin eða með öðrum áherslum. Ætti að hafa að meginstarfsemi að veita frumkvöðlum aðstoð og stuðning en getur líka boðið starfsfólki stofnana og stærri fyrirtækja starfsaðstöðu um lengri eða skemmri tíma. Starfsmaður í ½ - 1 stöðugildi mótar starfsemina í samstarfi við notendur og eigendur.
- **Þróunarsetur:** Megináhersla á aðstöðu fyrir stofnanir og fyrirtæki. Getur tengst eða haft innbyrðis frumkvöðla einnig. Starfsmaður í ½ stöðugildi annast rekstur og starfsemi á hverjum stað og sameiginlega móta þeir samstarf við minni miðstöðvar.
- **Nýsköpunarmiðstöð:** Stofnun sem styður við eða stendur að nýsköpun, hvort sem er á sviði einkafyrirtækja, innan opinberrar þjónustu eða samfélagslegri. Tilgangur er að styðja við nýsköpun, s.s. með fræðslu, ráðgjöf, viðburðum, o.s.frv. Starfsmaður í 1 stöðugildi mótar starfsemina í samstarfi við notendur og eigendur ásamt því að annast rekstur og leggur grunn að samstarfi við aðrar miðstöðvar.

## 18. Ábyrgð

Umsækjandi ábyrgist að fullnægjandi leyfi séu fyrir starfsemi nýsköpunar- og samfélagsmiðstöðinni og ber ábyrgð á öllum þáttum hennar, framkvæmd og afrakstri.

## 19. Trúnaður

Umsækjendum er heitið trúnaði varðandi umsóknir þeirra að frátöldum upplýsingum sem gert er ráð fyrir að birta skv. lið 9.

## 20. Endurskoðun

Verklags- og úthlutunarreglur þessar skal endurskoða árlega, áður og ef auglýst er að nýju eftir styrkumsóknum.